


葭州鄉土志

地 170.89
1537
21



葭州輿圖

北



葭州鄉土志

歷史

葭州之名始於金大定二十四年
未置本境以前

唐虞夏商之世未可考也自春秋時屬白翟戰國時為魏之上郡襄
王七年入于秦元符二年為晉甯軍金大定二十二年升晉甯軍為
晉甯州二十四年始改晉甯州為葭州

既置本境以後

金興定二年隸延安府明洪武七年降州為縣屬綏德州十三年復
升縣為州又屬延安府

國朝雍正三年為直隸州乾隆元年方隸榆林府

政績錄

宋

折克行官至秦州觀察使年月未詳夏人入寇公以兵三千護餉道
戰於葭蘆川一鼓而克賊衆呼為折家父祀名宦

徐徽言衢州西安人知晉甯軍即葭州建炎二年金人圍城公出兵
斬賊不記其數後賊勢大三年二月破城公焚死妻子力戰被執不
屈而死贈彰化軍節度使祀名宦

孫昂為太原路兵馬都監建炎三年二月金人破晉甯軍即葭州公與
守將徐公被執不屈而死贈成忠郎團練使祀名宦

徐孫二公建有專祠至今
尚存在本城南關名三忠祠



元

石天應興中永德人金紫光祿大夫年月未詳太祖時留守葭州造舟楫建浮橋守禦得法金夏潰散悉定葭州之地祀名宦

畢浩河南陽縣人年月未詳先時屯兵通秦寨賑貧恤孤號令嚴明敵人不敢西問河東之民半皆西渡祀名宦

明

秦丹高郵州人萬歷間知葭州清操凜然民賴以安祀名宦

賈熙載北直舉人萬歷間知葭州興利除弊表揚節孝善政多端不勝枚舉祀名宦

胡思明四川人萬歷中官葭州政簡刑輕四民愛戴祀名宦

鄭廷英南川縣人萬歷中知葭州性至孝莅任三年裁革繭絲閭閻樂業祀名宦

吳養洽安邑縣人萬歷間知葭州誠心愛民一錢不受禁絕軍戶幫貼之弊百姓安堵祀名宦

郭景高任兵部僉事崇禎四年十二月甘泉賊不沾泥張存孟陷葭州公力戰而死祀名宦

國朝

葉映榴上海縣人康熙十九年提督陝西學政後督理糧草值夏逢龍作亂死之謚忠節祀名宦

胡春元福建人嘉慶年間官葭州修理書院創立義學士林愛戴

張琛宛平縣副貢嘉慶年間官葭州救荒散賑活人無算
凌樹棠安徽定遠舉人道光年間官葭州捐修文廟督工任勞
白本初河南武安舉人道光年間官葭州振興文教化雨春風
張景藩蘇州蘭縣廩生道光年間官葭州振興書院文風蔚起
趙宜宣貴州拔貢咸豐年間官葭州興利除弊愛民如子
邵輔安徽舉人咸豐年間官葭州重修武廟煥然一新
何福奎山西靈石舉人同治初年蒞葭州六年徇匪竄擾北山公營
辦城防晝夜稽查號令整齊賊黨未敢逼近故城得保無虞民稱名
杜至今感戴

汪炳煦山東進士同治九年蒞葭州勸學訓農講求史治四民各得
其所至今口碑載道

譚光葵河南光州進士光緒三年蒞葭州歲荒辦賑救活多人
鄭思敬四川新都舉人光緒七年蒞葭州設義學以培人材置義冢
以安死之立義倉以備不虞省刑罰以恤黎庶心清似水萬民愛戴
田運昌安徽懷遠縣監生光緒十二年蒞葭州修城輸俸善政多端
不勝徧載

邊祖恭河南封邱舉人光緒十八年官葭州請粟救荒如解倒懸
兵事錄

順治己丑有延安府人王永強叛葭州葭人逐之弗得後吳三桂來
討攻城月餘不下居民皆被賊人挾製無敢開城者有一閨女暗將

城開三桂入城怒甚乃縱兵虜殺城中遭難始將賊黨逐散
同治六年徇匪擾竄北山初次由米脂來直至州界烏龍鋪縱火焚
燒民房鋪戶甚多七月初三日二次由綏德界經從州南潭家
坪延及城西下坵村住一宿經榆林中營李領兵東追賊黨始潰城
中賴知州何福奎善於防守得保無虞

耆舊錄

元鄉賢

張翥葭州人元末中書存隱逸召為國子助教尋近居淮東會修宋
金遼三史起為國史院編修史成遷翰林侍講學士仍以侍讀兼祭
酒公勤於誘掖後進絕去崖岸學者樂親炙之迨後致仕有律詩樂
府三卷義錄俱傳世

聿思敬葭州人秦定間為清澗尹旱荒民逃公招撫復業他郡之民
皆賴之

馬克恭葭州人秉性剛方鄉里敬重由雲南陝西行省掾擢富平縣
尉後擢昌邑縣尹

李忠幼孤事親至孝大德七年地震居民廬舍皆搖壓將近公家分
為二行五十餘步復合公家獨完祀鄉賢

明

姚慕虞係生員父母病祈以身代及破廬慕三年不入城市事聞旌
表祀鄉賢

李邦楨與邦椅皆有至性母病各割股療疾母病始痊及歿同廬於墓俱祀鄉賢

李如梓治家嚴肅扶弱振貧祀鄉賢

屈惟亨以歲貢為石樓知縣遷應州知州再至慶府左長史居官廉明祀鄉賢

曹琰由歲貢任灤縣復擢大同府通判歷有政聲及歸守高尚之名不入城市者七年祀鄉賢

柴希高正德中舉人仕為常州府通判工書常補風樓遺復歸里有代老婦輸官粟事祀鄉賢

馬應麟以歲貢知安居縣慈祥愛民士庶悅服祀鄉賢

國朝孝子

李在淑事親至孝雍正九年奉文建坊祀孝子祠

高如玉事親至孝雍正九年奉文建坊祀孝子祠

高歧華幼年失恃時為號泣父老常背負出遊以悅親心及歿柩前哭絕而亡乾隆三年奉

旨旌表

屈撫謙事繼母至孝父年近百歲公出入扶持不敢少怠乾隆三年奉

旨旌表

韓嗣奇遇親疾親嘗藥餌赴廟禱求親壽歿則哀毀骨立葬後廬墓

乾隆三年奉

旨旌表

任己任家貧常負米換酒肉以奉親母雙目失明舐睛不懈二年復明父歿哀毀骨立乾隆三年奉

旨旌表

劉士璋廩生事親至孝乾隆四年奉文建坊祀孝子祠
閻宏亮廩生事親至孝乾隆四年奉文建坊祀孝子祠
張縉年甫弱冠即以孝聞親病禱以身代乾隆十五年奉

旨旌表

高必榮家貧事祖母至孝菽水承歡陳情表愧乾隆四十四年奉

旨旌表

張家珍孝由性生六七歲即能服事曾祖父嘉慶七年奉

旨旌表

張椿奉事孀母先意承志終身不貳奉

旨旌表

苗沛霖竭力事親孝由性成奉

旨旌表

屈作棟附生孝思不置事親以色奉

旨旌表

劉毓秀冬溫夏清孝養異常奉

旨旌表

魏名世附生問寢視膳未嘗或懈

張淮貢生割股奉親孝順非常

張應昌孝聞遐邇

任炳隆甫生失怙克遵母訓酒肉奉養撤必請與而且彩衣娛親至老不衰

曹紹愛敬逾恆終身不懈

李紳孝友性成

李紹附生婉容愉色友愛性成

韓光杰事親至孝感格神明

元節烈

有五女不詳姓氏其父死於兵五女誓不嫁養其母以終之州西北一水名五女川川西有墓川東有祠

明

馬喬遶妻張氏夫亡守節終身奉

旨建坊旌表

喬遷妻張氏年十八歲寡居事孀姑至孝撫孤成立壽八十有六歲奉

旨旌表

高荐說妻劉氏孀居事姑以孝撫二孤成立州守武宏祖表其門

牛瑾妻屈氏幼年守節黨人稱之
牛璋妻曹氏同嫂孀居偕執婦道并以孝聞官司屢旌表其門康熙
四十一年督院覺羅華復旌表之

劉可妻張氏幼年孀居矢志不移州守閔三元旌其門

馬三樂妻牛氏甘貧守節事舅姑孝祀節孝祠

馬道遠妻李氏守節撫孤終身不辱入節孝祠

此即三樂媳也

馬維健妻劉氏苦節撫孤終無異志州守武宏祖表曰一門三節廉
熙四十一年覺羅華再表之入節孝祠

國朝

任士修妻張氏兵災投河不辱終身覺羅華表其門

劉嗣宗妻李氏襁褓許劉列隨親遠宦音問杳然老十餘年氏已二
十四歲父母欲他許氏以死自誓後列歸成禮順治間因兵亂不辱
投崖死覺羅華表其門

閻遐齡妻張氏誓死守節以撫遺孤州守表之

高如玉妻賀氏事舅姑至孝姑卧病不能飲食氏持杯箸奉養不懈
及姑歿悲苦痛切感動鄉閭州守詹紹祖其報藩憲表之

高如嵩妻魏氏貧窶守節撫孤成立不幸子歿媳他適氏上奉孀姑
下育孤孫艱辛萬狀持節以終詹紹祖報藩憲表之

張正斗妻劉氏夫卒無子氏矢志自持堅如金石

任廷弼妻張氏撫子成立持節以終

劉茂池妻牛氏終身守節

徐周妻白氏撫三幼子守節不貳

牛元妻張氏持節以終

高光鼎妻張氏矢志嚴勵鄉人同表其門

毛溫柔妻劉氏撫二子成立守節以終

薛玉奇妻張氏孝養舅姑州人表之

馬希聖妻高氏家貧孝養舅姑艱苦備嘗黨人旌之

劉良相妻王氏德性溫和行符內則外睦兄弟內和妯娌州人表之

劉再昇妻康氏苦志守節撫三子成名督學王旌其門雍正九年奉

文建坊入節孝祠

劉建謨妻郭氏夫卒家貧諸眷欲奪其志氏以堅貞自矢撫子成立

雍正九年奉文入節孝祠

劉含珠妻張氏守節不渝雍正九年奉文建坊入節孝祠

白而潔妻馬氏守志不移訓子成立雍正十年奉文建坊入節孝祠

劉和梅妻劉氏夫卒姑逝叔在襁褓氏撫叔訓子守節以終雍正十

年奉文建坊入節孝祠

張文運妻高氏撫孤持節乾隆二年奉文建坊入祠

郭毓珩妻李氏持節撫孤乾隆二年奉文建坊入祠

韓鏞妻張氏持節撫孤乾隆二年奉文建坊入祠

曹居相妻馬氏持節撫孤親操耕耨乾隆二年奉文建坊入祠

旨旌表

韓銳妻高氏甘心守節乾隆四年奉文建坊入祠
馬仁妻史氏誓殉夫死鄰婦勸免家貧教子成名乾隆十五年奉

旨旌表

張愷妻申氏守節孝姑乾隆二十二年奉

旨旌表

高天祿妻喬氏家貧守節事姑至孝乾隆二十二年奉

旨旌表

張爾誠妻曹氏立志苦守奉親克孝乾隆三十年奉

旨旌表

張珩妻李氏事翁姑撫幼子堅貞自守乾隆三十年奉

旨旌表

張宗和妻李氏孀居事姑節孝兼全乾隆三十七年奉

馬爾元妻李氏

李 某妻鄧氏

韓 麟妻毛氏

高居仁妻張氏

高 失名 妻劉氏

張文威妻曹氏

魏名世妻高氏

以上俱以節聞乾隆三十八年學院楊嗣谷俱給匾旌獎
閔維寧妻高氏守節自矢乾隆五十六年奉

旨旌表

喬國才妻劉氏矢志苦守乾隆五十六年奉

旨旌表

劉裕德妻韓氏守節撫孤嘉慶七年奉

旨旌表

劉文幹妻曹氏有節聞嘉慶十年奉

旨旌表

劉西月妻白氏有節聞嘉慶十二年奉

旨旌表

張鳳聽妻劉氏甘貧守節教子成立

張大成妻章氏事親撫孤矢志不移

張自興妻劉氏毀面污容堅貞自守

張澄清妻章氏事姑至孝持家克勤

張永福妻李氏歷盡艱辛撫子成立

張立本妻賀氏事姑至孝喪葬盡禮

劉建玉妻張氏青年守節矢志靡他

苗崇本妻李氏沈靜寡欲克盡婦道

張登福妻韓氏同治六年狃匪之變逃難遇賊守節不辱投崖身死
國朝烈士

魏長清武進士官至參將咸豐年出征湖北陣亡

劉開元武舉官至守備咸豐年出征陣亡

謝鴻訓舉人花門之變團鍊殉難

劉開寬武生狃匪入境防堵盡節

劉琳武生狃匪入境防堵殉難

人類

境內皆係漢人並無他種

戶口

本境戶口丁數並無兵荒疫疾及各事變遷之故現在查明十二地方實數計開

本城一百四十二戶男女大小六百二十一口

南關二百七十一戶男女大小一千一百二十一口

開光一千三百七十二戶男女大小五千八百四十一口

德勝廟一千四百五十二戶男女大小六千二百二口

車兜會一千一百三十三戶男女大小五千九百五十五口

界牌一千四百四十八戶男女大小五千四百五十八口

响石寺九百一十戶男女大小三千八百三十五口

古木八百一十一戶男女大小三千九百六十一口

公道鋪九百二十二戶男女大小五千九百六十一口
烏龍鋪九百一十八戶男女大小六千九百七十一口
神泉鋪九百四十二戶男女大小七千八百五十一口
浮圖峪一千一百一十戶男女大小七千八百五十一口
背 千七百一十戶男女大小三千六百一十五口
螞蚱峪八百二十戶男女大小五千九百四十四口

共計一萬二千七百四十三戶男女七萬零五百二十五口

氏族

境內並無大姓其現在之姓氏皆係居住遠年無所稽考

宗教

佛教人十餘名

天主教一人

耶穌教三人

實業

士十之一

農十之六

工十之一

商十之二

地理

本境在省城之東北距省一千三百餘里在榆林府之東南距府二

百九十餘里東界黃河東南界吳堡西南界綏德米脂西北界榆林正北界神木南北相距以行途計之二百六十餘里東西相距六七十里不等百二三十里不等開方面積一萬一千方里其地形如半月區分為十二地方一曰烏龍地方在州治西南距城五十里一曰浮圖地方在州治東南距城四十里一曰背干地方在浮圖之南距城六十里一曰螳螂地方在背干之南距城一百里一曰神泉地方在州治之西距城三十餘里一曰古木地方在神泉之西距城七十餘里一曰岔道地方在州治之北距城四十餘里一曰車兒會地方在岔道之北距城六十餘里一曰响石寺地方在岔道之西距城九十餘里一曰開光地方在車兒會之西北距城一百餘里一曰界牌之正北距城一百一十餘里

古蹟

境內舊有九堡八寨除編入外境而外今存其蹟者七堡七寨而已一開光舊縣今在開荒川號開光堡一三文廢堡今州西南三十里有廢城俗呼三川堡一甯河廢堡今州北四十里高家脊在北有廢城一通秦廢堡今州北五十里有廢城俗呼為金沙堡一靖川廢堡今州北九十里薛家會北有廢城土人誤呼為濟川堡一彌川廢堡今州北百一十里陽溝里有廢城是也一永祚廢堡在北郭外真武廟北一葭蘆等寨即今州治是一開光廢寨今州治西北百三十里

去開光三十里有蹟焉一浮圖廢寨今州南四十里有村曰浮圖峪
村之南三十里有一廢城即其寨也一神泉廢寨今州治西十餘里
榆木川是一烏龍廢寨今州西南四十里烏龍川是一通秦廢寨今
州治西北五十里高家寨北有廢城是也一甯河廢寨今治北七十
里寨溝里北有廢城是一彌川廢寨今治北百二十里花石崖有廢
城焉疑即是也

祠廟

關口山有廢城疑即宋之浮圖寨上建城隍廟

清風祠在州西北五女川祀元孝女五人

板浮圖廟在州北白家鋪東相傳宋時宦者卒於任樞行至此不前

遂瘞之居民立廟

金明寺在州西北五十里劉家峯村建于元順帝間

金山寺在州西北六十里建於晉永和中

龍巖寺在州北九十里青龍巖建於宋隆興中至於明末清初所建

祠廟頗多不暇註載

市鎮

首鎮在城內四九日集

通秦寨在城西北五十餘里一六日集

烏龍鋪在城西五十餘里一五日集

店頭在城正西五十餘里逢六日集

黑水坑在城西南八十里逢一集
螻蛄峪在城南一百里四九日集

坊表

境內有孝子坊六一在北城街中為生員李在淑一在崇仁巷為貢
生屈撫謙一在南城西門內為監生高必榮一在州北萬戶峪為廩
生賀士璋一在州南盧家坪為門宏亮一在州南浮圖峪為生員張
縉又有節孝坊一十二一在南城中街東為韓鏞妻張氏一在中街
西為劉建謨妻郭氏一在先農壇下為韓銳妻高氏一在東街中為
劉含珠妻張氏一在北門外為張琳妻李氏一在西南街為白而潔
妻馬氏一在州西南烏龍鋪為張爾誠妻曹氏一在西街為生員劉
再升妻康氏一在北門外為喬國才妻劉氏一在通秦門外為馬仁
妻思氏一在州城大石盤為劉裕德妻韓氏一在北城崇仁巷為郭
毓珩妻李氏

關口

境內有二關一曰桃花關在南城東黃河之涯東通山西省一曰建
安關在州西百四十里開荒川今有所遺大石槽相傳為古時行軍
所用若遇事變此二處最宜屯兵

學堂

城內小學堂一蒙養學堂三

巡警

普照寺設巡警局一所巡兵六名

山

葭州所有山形概屬平常並無層巒聳翠天造地設之秀足登輿圖者今將見於史中為古人用兵之地者編入數處州治西八十里有一西峯宋史云河東將薛義敗夏人於葭蘆西嶺州北八十里有一鳳山上有玉帝廟真武祠碑云傳昔有鳳止宿焉故名州西北二十里有三角嶺宋史云米脂之役折可適與夏人戰三角嶺得級多州北有二十里有馬吉峯金史云興定二年五月夏人入葭州右都監慶山奴破之於其上

水

州城之東有黃河焉自神木界入於本境其區為界牌地方其水南流百十餘里至州治而與蘆水會東南流四十里至浮圖峪再東南流六十餘里至螞蚱峪出境入於吳堡界城之西又有葭蘆河焉自榆界入於本境其區為响石寺地方東南流百十餘里入於河其水甚微難為舟楫此二河外雖有小水不過為溝壑而已不足紀也

道路

州治出城之路凡三西北一路直循葭蘆而行達於榆林西北行五十里為通鎮再西北行七十餘里過窰兒灣四五里地入於榆正北一路循黃河而行達於神木北行二十餘里為小會村行五里為大會坪村再北行二十餘里為泥河溝村自泥河溝東北行二十餘里

為蘭家會村自蘭家會正北行十餘里為萬戶峪村自萬戶峪正東行二十餘里為西豆峪村自西豆峪東北行二十餘里過石板舖三四里地入於神木境東南一路亦循黃河西行達於吳堡自城東南行十里曰白雲山行二十里曰峪口村行四十里曰木頭峪村行五十里曰葉則坪村行六十里曰背干村行七十里曰沙渠村行八十里曰荷葉坪村行九十里曰青瓜崖村行百十里曰螞蚱峪鎮之南行二三里許入於吳堡此三路者西北一路地近蒙古頗有沙漠之勢上下二路地靠黃河盡是沙石延途之中並無高山名地可以考察雖有岐支會路約皆小道而已不足紀入

物產

動物獸曰狼狐兔
畜曰驢羊犬豕

植物穀曰稷麥黍粱菽蔬曰沙椒花芥
燕兒菜菓曰瓜桃梨棗玉黃杏

鑛物無

動物製造 驢馬牛羊皮外洋來本境買去製造惟羊毛本境能造成
黑白二毡居民自用

植物製造 本境槐柳榆楊等木
能造器具居民自用

鑛物製造 銅錫磁器皆由山西永臨二地所造祇有鉄
一項由山西運至本境鑄為農器

商務

動物 本境所產者猪羊驢等物猪羊二項在本境銷行每歲銷行約
在一二千以外驢一項由水路運至山西磧口銷行約在數百之內
植物 本境如黍稷粱菽皆由黃河運至山西磧口銷行每歲銷行一
二百石不等歉則祇可防飢來至本境銷行之物布曰開州李
村棉曰韓城麻曰臨縣皆至磧口運來達于各鎮每歲銷行約
在數百担以外

鑛物 曰炭曰油二項炭出于山西之保德州陝西之府谷縣油出于
河套二項皆自水路運來達于各鎮炭每歲銷行數十船油每
歲銷行數船而已



